



Broj: 02-11-4-1901-1/26
Goražde, 23.06.2026. godine

Na osnovu člana 70. stav 1. i 3. i člana 72. stav 3. tačka a) Zakona o javnim nabavkama ("Službeni glasnik BiH" br.39/14, 59/22, 50/24) u postupku javne nabavke – konkurentski zahtjev za dostavljanje ponuda "Nabavka i ugradnja klima uređaja", Gradonačelnik Grada Goražda donosi:

O D L U K U

o prihvatanju ponude drugorangiranog ponuđača
u postupku javne nabavke „Nabavka i ugradnja klima uređaja”

I

Ovom Odlukom se Ugovor o nabavci i ugradnji klima uređaja dodjeljuje drugorangiranom ponuđaču „A/C SERVIS” d.o.o. S.P. Golemović Bojan, Banja Luka čija cijena ponude nakon održane e-aukcije iznosi od 9.789,00 KM bez uračunatog PDV-a.

II

Drugorangirani ponuđač je u skladu sa uslovima iz Tenderske dokumentacije, dužan na adresu Ugovornog organa u roku od 7 dana od dana zaprimanja ove Odluke dostaviti, original ili ovjerene fotokopije dokaza o ispunjavanju uslova u pogledu lične sposobnosti iz člana 45. Zakona o javnim nabavkama (tačka 3.1.4. i 3.1.5. TD).

Ukoliko izabrani ponuđač ne postupi u skladu sa ovom obavezom ugovorni organ će ponuditi zaključenje ugovora ponuđaču koji je sljedeći na rang listi uspješnih ponuđača.

III

Ova Odluka će se objaviti na web stranici Gradske uprave Goražde www.gorazde.ba sa istovremenim upućivanjem ponuđaču kojem je dodjeljen ugovor.

IV

Ovom Odlukom stavlja se van snage Odluka o prihvatanju ponude ponuđača „GLOBAL LOGISTIC“ d.o.o. Banja Luka broj 02-11-4-1901/26 od 12.06.2026. godine za nabavku i ugradnju klima uređaja.

O b r a z l o ž e n j e

Gradonačelnik Grada Goražda je dana 20.05.2026. godine donio Odluku o pokretanju postupka javne nabavke roba „Nabavka i ugradnja klima uređaja” broj 02-11-4-1901/26 putem konkurentskog zahtjeva.

Na osnovu navedene odluke, Obavještenje o nabavci broj 413-7-1-34-3-65/26 objavljeno je na portalu javnih nabavki dana 22.05.2026. godine, sažetak Obavještenja o nabavci objavljen je u „Službenom glasniku BiH” broj 37/26. Tendersku dokumentaciju za ovu nabavku je preuzelo 20 (dvadeset) ponuđača.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 01.06.2026. godine.

U predviđenom roku za dostavljanje ponuda do 01.06.2026. godine do 10:30 sati, ponude za nabavku i ugradnju klima uređaja dostavili su sljedeći ponuđači: „A/C SERVIS“ d.o.o. S.P. Golemović Bojan Banja Luka, „ENERGO CENTAR“ d.o.o. TRN Banja Luka, „GLOBAL LOGISTIK“ d.o.o. Banja Luka i „GKS INSTALACIJE“ d.o.o. Goražde.

Komisija za provođenje procedure javne nabavke je izvršila pregled i ocjenu ponuda i konstatovala da naprijed navedene ponude izuzev ponude „GKS INSTALACIJE“ d.o.o. Goražde ispunjavaju formalno pravne uslove za učešće, uslove u pogledu lične situacije i sposobnosti za obavljanje profesionalne djelatnosti, kao i uslove tehničke i profesionalne sposobnosti ponuđača, što je navedeno u Zapisniku o pregledu i ocjeni ponuda.

Obzirom da je u predmetnom postupku predviđeno provođenje e-aukcije, to je ista održana dana 11.06.2026. godine i sačinjena konačna rang lista ponuđača koji su učestvovali u postupku e-aukcije kako slijedi:

R. br.	Naziv ponuđača	Konačna cijena ponude nakon održane e-aukcije bez PDV-a
1.	„GLOBAL LOGISTIK“ d.o.o. Banja Luka	9.700,00 KM
2.	„A/C SERVIS“ d.o.o. S.P. Golemović Bojan Banja Luka	9.789,00 KM
3.	„ENERGO CENTAR“ d.o.o. TRN Banja Luka	14.100,00 KM

Gradonačelnik Grada Goražda je na osnovu rezultata pregleda i ocjene dostavljenih ponuda, uvažavajući preporuku Komisije za provođenje predmetne tenderske procedure, dana 12.06.2026. godine donio Odluku o izboru najpovoljnijeg ponuđača broj 02-11-4-1901/26 kojom se ugovor o nabavci i ugradnji klima uređaja dodjeljuje ponuđaču „GLOBAL LOGISTIC“ d.o.o. Banja Luka.

U skladu sa tačkom III navedene odluke ponuđač kojem je dodjeljen ugovor bio je u obavezi u roku od 7 (sedam) dana od dana zaprimanja obavijesti o rezultatima postupka nabavke dostavi ugovornom organu original ili ovjerene fotokopije dokaza o ispunjavanju uslova u pogledu lične sposobnosti iz člana 45. Zakona o javnim nabavkama, a u skladu sa tačkom 3.1.4. Tenderske dokumentacije

Obzirom da je od strane ugovornog organa utvrđeno da je ponuđač „GLOBAL LOGISTIC“ d.o.o. Banja Luka propustio da u ostavljenom roku dostavi original ili ovjerene fotokopije dokaza iz člana 45. Zakona o javnim nabavkama koji su zahtjevani tenderom, to je u skladu sa članom 72. stav 3. tačka a) Zakona o javnim nabavkama odlučeno kao u dispozitivu ove odluke.

POUKA O PRAVNOM LIJEKU: Protiv ove odluke može se izjaviti žalba u roku od 5 dana od dana prijema iste. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom, u najmanje tri primjerka.

Uz žalbu je potrebno dostaviti dokaz o plaćenju naknadi za pokretanje žalbenog postupka.

GRADONAČELNIK

ERNEST IMAMOVIĆ

DOSTAVITI:

1. Ponuđaču putem e-pošte,
2. u spis,
3. a/a